


額編增廣額濱文集


四十三至五十三



内閣文庫			
一五五函	一五	三四六三	漢書類
一	冊	號	

内閣文庫			
三三三函	二五	三四六三	漢書類
三三	冊	號	

内閣文庫			
番號	漢	3463	
冊數	15 (5)		
函號	圖	3	4



綴じ部(喉部分)の文字など不鮮明な個所があります。

淺草文庫

類編增廣穎濱先生文集大全卷第四十三

書郭熙橫卷

鳳琴寫畫十二屏屏上郭熙題姓名崩崖斷壑入不到枯松野葛相欹傾
黃散給舍多肉食食罷起愛飛泉清皆言古人不復見不知北門待詔白
髮垂冠纓袖中短軸繞半幅慘澹百里山川橫嵩頭古寺擁雲采以尾魚
舟得晚晴送山可見不知處落霞斷雁俱微明十年江海興不淺滿帆風
雨通宵行投篙掾杖便止宿買魚沽酒相逢迎歸不朝中亦何有包裹觀
闕圍重城日高困睡心有適夢中時作東南征眼前擬要真物拂拭東
絹付与汾陽生

題王詵都尉畫山水橫卷三首

摩詰本詞客亦自名畫師平生出入輞川上鳥飛魚泳漁人知山光盡
著眉睫水聲活流肝脾行吟坐詠皆目見飄然不作世俗詞高情不
落嫌素練全絕澗開重帷百年河漢存一二錦囊玉軸酬不此言誰令食肉
貴公子不學父祖駭能罷細穠淨几讀文史茂華璀璨傳新詩青山長江

豈君事一揮水墨光
悠悠手中五尺小橫卷
天方里分毫釐
商言南出
此心通達无不之
歸來纏裹任紉綺
天馬性在終難馴
人言摩詰
且此願老疑不癡
相公世公不可與
但可與我竟衰遲

憐君將帥雖有種
多君智慧初无師
篇章俊發已可駭
丹青妙絕當誰知
自言五色苦乱目
况乃旨酒長傷脾
手狂但可時弄筆
口病未免多微詞
歌鐘一散任他館
幅巾靜坐志書帷
偶從禪老得真趣
此身不足非財訾
世間翻覆岸為谷
猛獸相食虎与罷
漸將得意比春
獨取妙語傳清詩
眼看宮醜馮酥酪
未与村酒分醇醪
解鞍駿馬空
一櫛寄書黃狗閑
生羸
江山平日偶有得
不自圖寫渾忘之
臨窻展卷聊自適
盤礴豈復冠裳羈
欲乘漁艇發吾與
願入野寺嗟兒癡
行纏布襪雖已具
山中父老應憐
我昔得罪遷南夷
性命頃刻存篙師
風吹波蕩到官全
號呼誰復相聞知
小園畜蟻防橘蠹
橘性甘多蠹南人畜蟻於園中蟻緣木食蠹
蜂收蜜脾讀書一
生空百笑賣鹽竟日
那復詞城中清溪可
濯漱城上連
峯琪幕帷十千
簿俸聊足用魚多
米賤憂无訾東坡
居士最岑寂爰然
深藜見孤罷坐隅
止鵬偶成賦盤中
食薑時作詩
怜君富貴可炙手
一持出

走着淋漓澤傍
憔悴几幾歲
月中帶
紫先一
整江山別來今
久矣不獨能
能畫之同朝
執手不容夕
笑我野馬初受
羈袖中短卷
墨猶濕傍人
笑拍吾儂
癡方求農圃
救貧病他年
未用譏樊遲

寒師高山圖

葆光法師寒君未嘗至
高山欲往遊焉元祐九年
春盤桓都下得古畫一幅
以示其客客曰此高山圖
也子昔嘗遊焉峰嶺徑遂
觀刹皆是君喜曰此將以
導予也吾昔與寧中自陳
之洛往來皆出高少之間
時方重九与偕行者約曰
与子於此登高今筋力尚
強可以一往異日復至或
不能矣今年三月以罪出
守汝州聞此州存高少之
陽登城北望可以尽得其
勝君何時為此遊吾將舉
酒与子相望雖不能同亦
庶幾焉系之以詩曰

峻極登高二十年汝州回望一依然
君行亦是高火後試覓神清古洞天

次韻子瞻題郭熙平遠二絕

乱山无尽水无边
田舍漁家共一川
行遍江南或天巧
臨窻開卷兩茫然

斷雲斜日不勝秋付與騷人備目愁父老如今亦才思 暮風雨釣槎頭

題王詵都尉設色山卷後

還君橫卷空長嘆問我何年便退休欲借崑阿著茅屋遠當溪口泊漁舟
經心蜀道雲至足上馬胡天雪滿裘万里還朝徑此去江湖浩蕩一輕鷗

西軒畫枯木怪石

西軒素屏開白雲寥寥老柱依霜輪頽兔出走蟾蜍奔河漢卷海磯石蹲
牽牛自載倚桂根清風颯然吹四鄰東坡妙思傳子孫作詩鬚鬢追前人
筆墨墮地稱奇珍閉藏不聽落泥塵老人讀書眼病昏一看落筆生精神

次韻劉貢甫學士盈松石圖歌

長松大石生長見竭游塵土嗟空羨寒翠關心失舊交榮華過眼驚馬流電
破繒買得古畫圖遺里羨差隨斷線螺枝倒掛風自舞直幹孤生看面面
故山舊物遠莫致愛此隨人共流轉物生真偽竟何有適意一時寧復下
少年所好老成僻傍人拍笑嗟矜衒京城宅舍松石希買費百金猶恐賤
子瞻与李公麟宣德共畫翠石古木老僧謂之懋寂圖題其後
東坡自作蒼蒼石留取長松待伯時只有兩人嫌未足更收前世杜陵詩

癸丑歲余為興德軍掌書記是歲大旱除日府中饋畫鍾旭行

雪中狀其怪後二十六年檢篋中舊畫得之戲作此篇

濟南書記今白須歲節鍾旭舊綠襦奉手托天欣見雪破靴踏凍可伶渠
滔時輩少黃壤六年華厲老夫兒女未容翁便去銀餅備夜浸屠酥

韓幹三馬

老馬側立鬃尾垂御者高拱持青絲心知後馬有爭意兩耳微起如立錐
中馬直視翹右足眼光已動心先馳僕夫旋作奔逸想右手正控黃金羈
雄姿駿發最後馬回身奮鬣負權奇圍人頓轡屹山立未聽決驟爭雄雌
物生先後亦偶尔有心何者能志之畫師韓幹豈知道畫馬不獨畫馬皮
畫出三馬腹中事似欲譏世人莫知伯時一見笑不語告我韓幹非畫師

韓幹二馬

玉帶胡奴騎且牽銀鬃白鼻兩爭先八坊龍種知何數乞與岐邠並錦韉

題王生畫三蚕蜻蜓

飢蚕未得食宛轉不自持食蚕聲如雨但食无復知老蚕未復食猶自有
所思君畫三蚕意還知使者誰

蜻蜓飛翾向空无所著忽然逢飛蚊驗斤飢火作一公困竹梢凝然友
真莫若无飢渴患何貴一簞樂

盧鴻草堂圖

昔為太室游盧岳在東麓直上登封壇一夜爾生足徑歸不復往巒壑空
在目安知有十志舒卷不盈幅一處一盧生裘褐蔭喬木方為世外人行
止何頃錄百年入篋笥犬馬同一束嗟予縛世累歸來有茅屋江干百畝
曰清泉映脩竹尚將逃姓名豈復上圖軸

王維吳道子畫

在普門及開元寺

吾觀天地間万事同一理扁也工斲輪乃知讀文字我非畫中師偶亦識
畫旨勇怯不必同要以各善耳壯馬脫銜放平陸步驟風雨百夫靡美人
婉婉守閑獨不出庭戶修容止女能嫣然笑傾國馬能一蹶致千里優柔
自好勇自強各自勝絕无彼此誰言王摩詰乃過吳道子試謂道子來置
女所挾從軟美道子掉頭不肯應剛傑我已足自恃雄奔不失馳精妙實
无比老僧寂滅生慮微侍女閑縈非復婢丁寧勿相違幸使二子齒二子
遺迹今豈多岐陽可肯能獨備但使古壁常堅空塵土雖積光艷長不毀

畫歎

武宗元比部學吳道子畫佛菩薩鬼神燕肅龍圖學王摩詰畫山
川水石皆得其髣髴潁川僧舍往見之而里人不甚貴重獨首趙
董二生二生雖工而俗不識古名畫遺意作畫歎

李公麟陽關圖二絕

百年摩詰陽關語三疊嘉榮意外聲誰遣伯時開縞素蕭條邊思坐中生
西出陽關万里行彎弓走馬自忘生不堪未別一杯酒長聽佳人泣渭城
次韻題畫卷四首

山陰陳迹

卧對鄰人氣已直晚依丘壑更无倫不須復預清言侶自是江東第一人
逸少知清言之善然山陰
再記亦不免慕清言耳

垂溪乘興

亟往湍歸真曠哉聾耳不信有驚雷雖云不必見安道誤扁舟乘興來
四明狂客

失脚來遊九陌塵故溪何日定抽身便同老扁舟志已笑西山鄭子真

西塞風雨

雨細風斜欲暝時凌波一葉去安歸遙知夜宿蛟人室浪卷波分不着衣

筆硯

次韻黃庭堅學士狂毛筆

不悟身邊一斗紅聖賢隨世亦時中何人知有中書巧縛送能書陳孟公

子瞻見許驪山澄泥硯

長安新硯石同堅不待書來遂許頒豈必魏人勝近世強推銅雀沒驪山
寒煤舒卷開雲葉清露零流發涕潛早與封題寄書案報君湘竹筆身班

琴劍

賦豐城劍 北歸途中作

劍氣夜干斗精誠初莫關全身寄獄戶隱約還自得張雷彼知我勉為
汝一出腰間雜環佩亦既報之德凜凜天地間要非手中物躍入延平水
三日飛霹靂出當乘風雷歸當卧泉石千年故穴在三嘆泉上客

舟中聽琴

江流浩々群動息琴弄琅琅中夜鳴水深天闊音響遠仰視牛斗皆縱橫
昔有至人愛竒曲學之三歲終以无成一朝陸門師過滄海留置絕島不復迎
終年見怪心自感海水震掉魚龍驚翻回無物觸有遺韻琴意忽々從此生
師來迎笑問所得撫手无言心已明世人驚々好絲竹撞鍾擊鼓依謂榮
安知江琴韻超絕擺耳大笑不肯聽

大人久發彈琴比借人雷琴以記舊曲十得三四率尔拜呈

久厭几桐不復彈偶然尋繹尚能存倉庚鳴樹思前歲春水生波浦舊痕
泉落空岩虛谷應珮敲清殿百官寒終宵竊聽不能奪庭樹无風月滿軒
器用

楊主簿日本扇

扇從日本來風非日本風風非扇中出問風本何從風亦不自知當復問
大空空若具風穴既自與物同同物起空性是物非風宗但執日本扇風
來自无窮

次韻子瞻寄黃子木杖

老至亦有漸五十惟杖治行年日辰而幸免鄉閭耻罪里瘡難平餘痴未

脫衣登山足猶健不用扶兒子我兄念辛董贈此篋且問宅年賜環日田
舍尤須此早收藤箠林旋綴烏皮几茅簷數間足不用伐桐椅

八壘

秦人一壘十五城百二十城當八壘元日臨軒組綬新君臣相顧無窮喜
九鼎崢嶸夏禹餘八壘瑣落古所无古人鄙陋今人笑笑老不慣空鷓呼

求黃家紫竹杖

予於龍川買曾氏小宅宅西南隅有紫竹百餘竿為藤蔓所困无
復直幹雖為伐藤而見竹偃弱无可為杖者黃氏老家有紫竹其茂
乞得一莖勁挺可喜聞黃氏竹舊日曾氏移植偶為詩以示之

曾家紫竹君家種曾園竹与荒藤共藤驕竹瘁如畏人不似君家竹森聳
我來買宅非為家愛此風稍時一弄磨刀向藤又未忍樹倒藤披真自送
繁陰一豁新笋地狂鞭欲向青春動我身病後少筋力遍求拄杖扶腰痛
蕭二瘦榦未能任畝君家知足用一枝遺我拄尋君老酒仍煩為開甕

和子瞻鐵拄杖

截竹為杖瘦且輕石堅竹破誤汝行削木為杖輕且好道遠木折恐不到

問君鐵杖七尺長色如黑蛇氣如霜提携怕恐汝无力撞堅過險安能傷
柳公雖老尚強健閉門却掃不復將知公足力无險阻冷公未有登山侶
回生四海惟一身袖中長劍為兩人洞庭漫天不見過半酣起舞驚鬼神
願公此杖亦如此適意遨遊日千里歸來倚壁示時人海外蒼茫空自記

歐陽公所蓄石屏

石中枯木雙扶踈粲然脉理通肌膚剖開左右兩相屬細看不見毫髮殊
老槁剝落但存骨病松惟悴空留鬚丘陵迤邐山麓近雲煙澹澹對風雨餘
我驚造物巧如此刻畫瑣細共人須公家此類尚非一客至不識空嗟吁
案頭紫雲抱明月床上寒木翻飢鳥賦形簡易神自足鄙弄筆墨嗟勤劬
天工此意与人競雜出變怪驚羣愚世間淺拙无与敵比擬賴有公新書

月石硯屏及石上寒
林棲鳥皆公詩所賦

畫枕屏

繩床竹簾曲屏風野水遙山霧雨濛長有灘頭釣魚叟伴人閑卧寂寥中

去年秋扇二絕

篋中秋扇委塵埃春晚炎風拂面來舊物一尋為世用故人相見莫心猜

扇中秦女舊乘乘鳥拂去浮塵色尚鮮未及炎風早歸去不堪秋後乙哀吟

過姪寄椰冠

衰髮秋來半是絲幅巾緇撮強為儀垂空旋取海棕子蜀中海棕即嶺南椰木但不結子且束髮裝成老法師變化密移人不悟壞成相續我心知茅簷竹屋南溟上亦似當年廊廟時

和柳子玉地爐

鑿地泥床不費功山深炭賤火長紅擁衾熟睡朝衙後抱膝微吟莫雪中
寵辱兩忘輕吐味冰霜不到傲天工遙知麻步無人客寒夜清罇誰與同

和柳子玉紙帳

夫子清貧不奈久書齋還費紙重重窻明曉日從教入帳厚霜飈定不容
京兆牛衣聊可藉公孫布被旋須縫吳綾蜀錦非嫌汝簡淡為生要易供

類編頴濱先生大全卷第四十三

類編地廣頴濱先生文集大全卷第四十四

酒醴

九日家釀未熟

平生不喜飲九日猶一酌今年失家釀節到真寂寞床頭瀉餘樽畦菊吐
微萼洗盞對妻孥肴蔬隨厚薄興來欲徑醉量尺還自却傍人歎身健省
已知脾胃尚有姑射人自守常綽約養生要茲儉已老慚矍鑠茲居漸忘
我杜門奚不樂風麴日已乾濁醪可徐作

戲作家釀

方暑儲麴蘗及秋春秫稻甘泉及桐栢火候問隣媪唧唧鳴甕盎噉噉化
梨棗一撥欣已熟急搗熈不早病色變溼丹羸軀驚醉倒子雲多交遊好
事時相造嗣宗尚出仕兵厨可常到嗟我老杜門奈此平生好未出禁酒
國耻為獲間盜一醉汁滓空入腹誰復告俗諺有入腹无賊之語

我飲半合耳晨興不可无千錢買一斗衆口分須臾月俸本有助法許吏
未俞政政坐相眎饒涎落盤中頴濕舊之水粳糯貴如珠今年利陂竭確
聲喧里閭典文易鍾釜入甕生醍醐歡欣走童孺左右陳肴蔬細酌秦翁

媪餘潤露庖厨話朝日南至相戒留金壺一家有喜色經冬可无沽莫怪
杜拾遺斗水寬夏虞

釀重陽酒二首

風前隔年麴蘗釀重陽酒適從基无餽飲啜不濡口秋嘗日已迫收拾
煩王婦仰空露成霜寒庭菊將秀金微火猶壯未可多覆錦啣啣候鳴声
須消報初溜輕巾漉糟脚寒泉養壘缶誰來共嘉節但約鄰人父生理正
艱難一醉陶衰朽亡年或豐餘此味恐无有

家人欲釀重陽酒香麴甘泉家自有黃花抱索有佳思金火未調无好手
共奴但欲致村酤小婢爭言試二斗我年七十似童兒逢節歡欣事從厚
廩粟已空豆方實羔豚雖貴魚可取病嫌秋雨難為腹老嘔饒涎空有口
折花誰是送酒人來客但有隣家父閉門一醉莫問渠巷爭不用纓冠救

和子瞻蜜酒歌

蜂王舉家千方口黃蠟為糧蜜為酒口銜閭水拾花鬚沮如滿房何不有
山中醉飽誰得知割脾分蜜曾无遺調和知与酒同法試投麴蘗真相宜
城中禁酒如禁盜三百青銅愁杜老先生年來无俸錢一斗徑須囊一倒

鋪糟不聽漁父言煉蜜深愧仙人傳掉頭不問碎穀藥忍飢不如長醉眠

次韻分司南京李誠之待制求酒二首

世上升沉都夢裏春來強健鬪樽前公田種秫全拋却坐客无檀誰与錢
春深風雨半相和節物令人意緒多中酒何須問賢聖和詩今尚許羊何
以蜜酒送柳真公

牙頭釀酒一年餘氣味全非阜氏壚送與幽人試嘗看不應知是百花鬚

次韻柳見荅

桂酒无人寄豫章江西官醪佳羈愁牢落遣誰當身煎畦蜜真牽強漸
愧山蜂久蓄藏江上鱸鱸橙正熟山頭吹帽菊初香漂流異日俱陳迹笑
說過從想未忘

宴飲

次韻子瞻和陶公止酒

少年无大過臨老重復止自言衰病根恐在酒杯裏今年各南還百事付
諸子誰言瘴霧中乃有相逢喜連床問動息一夜再三起泝流俛仰得此
病竟何理平生亦尤人未免亦求己非酒猶止之其餘真止矣飄然從孔

公棄擗南海涘路逢安期生一笑千方祀

和強至大博小飲

誰能飲酒如傾水醉倒坐中扶不起形骸外物已如遺升斗任君无復避
霜梨冰脆寒侵齒未盡一杯先已醉強將文字笑紅裙冷淡為歡何足貴

次韻張芻諫議燕集

淮陽卧閣生清風梁園坐嘯因園空不知何術解龍髯但覓羈客忘樊籠
樽罍灑落談笑地塵埃脫去又書聚清心漸欲无一事少年空記揮千鍾
近傳移鎮服肱郡復恐入覲明光宮人生聚散不可料一杯相屬時方冬
浮湯似欲作飛霞想見觀闕瓊花中孝王會集猶可繼莫嫌作賦无枚翁

聖民昔知陳州
余嘗從之遊矣

夢中詠醉人

四月十日夢得篇首
句可引却而足之

城中醉人舞連臂城外醉人相枕睡此人心未必空斬足尔頽然似无事
我生從來不解飲終日騰騰少憂累昔年曾見樂全翁自說少年飲都市
一時同飲石與劉不論升斗俱不醉樓中日夜狂歌呼錢尽酒空姑且止
都人疑是神仙人誰謂兩人皆醉死比翁年老不復飲面光如玉心如水

我今在家同出家方法過前心不起此翁已死誰與言欲言已似前生記

安厚卿強幾聖復召飲醉次韻

芳樽酌水清无淤梨園着雪迷根株鄰宮士女喜行樂坐中醉客誰親疎
倦遊不知歲月過痛飲漸齋筋骸蘇風吹落片乱鴉毳雨結細實駢明珠
雲屯冰積動論頃誰信城郭涵村墟坐觀明媚低照席行看繁鬧橫遮駒
我貧不辦供酒炙側耳日聽交朋呼无端人事巧拘束曾不見置閑須臾
長鯨渴水求入海老驥伏櫪思就車清明未過春未老寒食豈必節与除
二君為我重置酒席上醉倒交相扶歡娛安用苦酬酢叫嘯不畏相罪辜
昏然已覓万物小下視吏役真婢奴請君數具牛酒費此外百事何能如

次韻子瞻与蘇世美同年夜飲

晚歲事遊宦相從未嘗足羨君四海皆兄弟棧中直木不容曲臨安老令
况同科相逢豈厭樽中涿僚倒誰怜澗底松歲寒尚有霜前竹聞道渠家
八丈夫它日歸耕免幽獨

次韻子瞻飲道者院池上

雨氣涼侵殿河沈滲入池黃梁論魚子白酒瀉鵝兒風細初生袖塵清免

汗眉郊行不易得拂壁看題詩

雪後小酌贈內 正月九日

薄雪為灯止和風應節來出遊吾已懶小酌意難裁竹徑泥方滑青畦凍欲開細君怜老病加料作新醅

次韻景仁飲宋温之南軒

白髮迎新歲儲然國老更感時能細說對酒任徐行畫軸高分品詩詞妙入評踈狂老醉倒應許恃鄉情

飲闌餅已罄話久僕頽更高會良難得危言豈易行歸休便老計得失任臺評猶有青編在它年不世情

登郡譙偶見姜應明司馬醉歸

蒼然暮色映樓臺江市遊人夜未回何處酒仙无一事肩輿鼾睡過橋來

雪中會飲李倅鈞東軒三絕

衆客誼華發酒狂逡巡密雪自飛揚莫嫌作賦无枚叟且喜延賓有孝王雪花如掌墮堦除劇飲時看卧酒壺半夜瓊瑤深没腓欲歸迷路肯留无竹裏茅庵雪覆蒼炉香霽霽著蒲簾欲求初祖安心法笑我醺然已半酣

次韻江法曹山間小酌

高情不柰簿書圍行揖青山肯見隨綠_臣逢花將盡日清樽迨我正閑時簷間雙燕欲生子葉底新梅初滿枝笑殺華陽窮縣令床頭酒尽只顰眉

過毛國鎮夜飲

風格照人華省郎江山遶郭古仙鄉漫傳鈇鼎八百歲未比金釵十二行不動歌聲人已醉旋聞詩句夜初長簿書撥尽知餘力道院清虛頃未嘗

除夜會飲南湖懷王鞏

歲晚城東故相家夜聽簾外落瓊花醉眠東閣銀釭暗起視中亭風竹斜魚_出近來无柰簿秦箏別後苦聞誇思君勸對空陂飲歸去紛如日暮鴉

次韻王君貺尚書會六同年詩

有美佳賓賢主人布衣曾共脫京塵歡來未竟歲華晚醉後能令秋氣春發蒼言早同初宦日收功終藉老成身它年此會應圖畫傳入誰家屏幃新

次韻王鞏同飲王廷老度支家戲詠

白魚紫蟹早霜前有酒何須問聖賢上客遠來工緩頰雙鬢為出小垂肩新傳大曲皆精絕忽發狂言亦可怜莫怪貧家少還往自須先辦買花錢

聞王功華還京會客劇飲戲贈

聞君歸去便招呼笑語不知清夜徂
結束佳人試銀甲留連狂客惱金吾
燭花零落玉山倒詩筆歌斜翠袖扶
暫醉何年依錦瑟東齋還復臥鸞觥

次韻南湖清飲二首

翠箔紅窓映大堤遠來清飲歎參差
盈盈積水東西隔脉脉幽懷彼此知
綠酒謾傳工破悶主人何敢怪顰眉
明朝看月雲開未試與詹家一問龜
坐客經年半已非喜君重到暫相依
不嫌愛酒樽頻倒只怕題詩紙屢飛
耿耿幽懷誰與翹徐徐細酌未應違
從今更肯相過否幾誤風吹白版扉

庖厨

牛尾狸

首如狸尾如牛攀條捷險如猿猴
橘柚為糝粟為餽筋肉不足推膏油
深居簡出善自謀尋蹤發窟并執囚
畜租分散身為羞松薪瓦甑丞浮浮
壓入糟盎肥欲流能勝羊酪真比儔
引筋將舉訊何尤无功竊食人所仇

黃雀

秋風一黃雀飛禾田熟黃雀肥
群飛蔽空日色薄遠巡百頃示為希
翔

翻巧捷多日微精九妙繳舉輒違乘時
帝勢不可揮一朝風雨寒霏霏肉
多翅重天時非農夫舉網驚鷺谷團
懸頸系足膚无衣百箇同正仍相依
顛方里行不歸北方居人厭羔豨咀
噍聊發一笑歛

次韻子瞻杜介供奉送魚

天街雪霽初通駟巷橋冰開漸躍魚
尾煩君穿細柳一杯勸我莖青蔬
寒樽獨酌偶逢客佳句相酬不用書
江海歸來叨禁近空令同巷往來踈

藥物

夢中反古菖蒲

古詩云石上生菖蒲一寸十二節
仙人勸我食令我好顏色十一月
八日四鼓夢中反之作四韻見一愚
公在側借觀示之赧然有愧恨之色

石上生菖蒲一寸十二節仙人勸我食
再三不忍折一人得飽滿餘人皆
不悅已矣勿復言人人好顏色

收蜂蜜

空中蜂隊如車輪中有王子蜂中尊
分房減口未有處野老解與蜂語言

前人傳蜜延客住後人秉艾催客弃布囊已裹開如市全入竹屋新且宇
小窻出入旋知路幽圃首夏花正繁相逢頗命儔侶共入新宅長子孫
今年活計知尚淺蜜蠟未暇分生人明年少割助和藥慚愧野老知利源

次韻石芝

子瞻昔在黃州夢遊人家井間石上生紫藤枝葉如赤筍則主人言此
石芝也折而食之味如雞蘇而甘起賦八韻記之元祐八年予與子
瞻皆在京師客有至自登州者言海上諸島石向日者多生耳海人
謂之石芝食之味如茶久而益甘海上幽人或取服之言其益人客
以一籃遺子瞻遂次前韻

雞鳴東海朝日新光濛洲島霧雨勻一晞石上遍生耳幽子自食无來賓
寄書乞取久未許若籠雀囊海神戶戶止也左傳一掬誰令隨我前无
為知我超諸數此身不願清廟瑚但願歸去隨樵蘇龜龍百歲豈知道養
氣于息存其胡塵中學仙定難脫夢裏食芝空酷列中山軍府得安閑更
試朝霞磨鏡鐵

荅琳長老寄白朮黃精二本

老僧似識衆生病久在山中養藥苗白朮黃精遠相寄知非象馬費柔條

邵武游氏老人二清堂紫芝

里龜赤鳳早逢師白髮蒼顏老不衰丹鼎一九深自秘紫芝三葉却先知
煙薰晴日雲容薄色凝秋霜玉性奇何日刀圭救羸病尺艾荆棘種交梨
蔬笋

蜀人舊食决明花耳賴川夏秋少菜崇寧老僧教人并食其葉
有鄉人西歸使与父老言之戲作

種菜

秋蔬舊採决明花三嗅馨香每歎嗟西寺衲僧并食葉因君說与故人家
久種春蔬早不生園中汲水乱餅甕松葵經火未出土僮僕何朝飽食美
強有人功趨節令恨无甘雨困耘耕家居閑暇厭長日欲看年華上菜莖
藏菜

興慶清葵芥充朝饔歲晚風霜斫菜根百日園枯未易過一家口衆復何言
多排甕盎先夏尽旋設盤盂未竟煩早晚春風到南浦侵凌雪色有新苗
食笋

林竹抽萌不為挑誰家盈束伴晨樵
擗龍似欲號無罪食客安知惜後凋
不願益梅調鼎味姑從律呂應簫韶
林間老死雖無用一試冬深雪到腰

類編穎濱先生文集大全卷第四十四

類編增廣穎濱先生文集大全卷第四十五

投贈

次韻子瞻贈梁交左藏

彭城欲往基无檄初喜東西合為一將軍走馬隨春風精銳千人森尺籍
口占佳句驚眾坐手練強兵試鳴鏑酒酣起舞花滿地醉倒不聽人扶出
歸來相對如夢寐虎踞能經苦岑寂黃樓方就可同遊飲尽官厨三百石

贈提刑賈司門青

前年乘舟護南河宛丘官舍酣且歌去年持節真行獄驅車道路日不足
今年春風塵土黃遠赴三州議繇役天子憂民法令新整齊百事无閑人
苗耘髮擲何時已回首昔遊如夢寐區區季舍曾未知春晚日長惟有睡
才智有餘安得閑踈慵願我自當然喜君未忘太平事獨稱赦書旌孝子
項城有孝子負七成墳賈移文陳州清月書存郵之

贈馬正卿秀才

男兒生可憐赤手空腹无一錢
死喪三世禾平地骨肉不待歸黃泉
徒行乞丐買墳墓冠履破敗衣履穿
矯然未肯去取耻以不義藏其先
辛勤

直使行路泣六親不信相尤愆問人何罪窮至此人不以尤其怨天老慈
未省鬼神惡兄弟寧有木石頑善人自古有不遇方行不廢良謂賢

賦黃鶴樓贈李公擇

公擇時知鄂州

前年見君河之浦東風吹河沙如霧北潭楊柳強知春樽酒相携終日語
君家東南風氣清謫官河壩不稱情一麾夏口亦何有高樓黃鶴慰平生
荆江洞庭春浪起漢沔初來入江水岸頭南北不相知惟見風濤湧天地
巫峽瀟湘万里舡中流鼓楫四茫然高城枕山望如帶華棖照日光流淵
樓上騷人多古意坐忘朝市无窮事誰道武昌岸下魚不如建業城邊水

贈德仲

我昔見子京邑時須髮如漆无一絲今年相見潁昌市霜雪滿面知為誰
故人分散隔生死子然惟以影自隨冷子肝心如鐵石昔所謂可今不移
世間取舍竟誰是惟有古佛終難欺嗟哉我自不知子意子清淨持律師
忽然微笑不言語袖中錦綉開新詩可憐相識二十載終日對面初不知
蚌含明珠不肯吐暗行沙底藏光輝蚌為身計良可耳旁人不悟寧非嗤
過興教贈劉上人

四十年間此院留臨河看盡往還舟同來並是二年客聽說行藏各自羞

少林寺贈頓起

一徑喬林下黃葉三山翠碧遶禪居共君將住還歸去欲問安心知已踈

少林東接少室北倚石城南臨鳳皇山鳳皇山上有初祖庵二祖問法於此

贈蔡駁居士

結茅汝上只三間種稻城西僅一廛梅老外生詩律在秀公弟子佛心傳
埋盆置石常幽坐留客開樽輒醉眠聞道隣僧乞米送時无韓子定誰憐
至池州贈陳鼎秀才

淮陽李全舊相依常誦曹溪第一機却到江西心有悟回看過去事皆非
孤舟遠適身如寄二頃躬耕道自肥欲看齊山君去否閑中徒侶近來稀
贈王復劇士

候潮門外王居士平昔交遊遍海涯本種杉松為老計晚將亭榭作隣家
為生有道終安穩好事來遊空嘆嗟猶有東牟舊詩卷折然對客展龍蛇

王君舊有園亭子瞻兄名之曰種德其亭頌以貧故鬻之矣

贈李簡夫司封

平生談笑接諸公，歸老身心著苦空。往事少能陪晤語，新詩時喜挹清風。
形骸摩詰羸偏健，筆札西臺晚更工。笑我壯年常苦病，異時何以作衰翁。
簡寄

寄張芸叟

張芸叟侍郎編樂府詩相示，繼以書問手戰之故，懇懇有見，憐衰
病意，作小詩謝之。

老矣張芸叟，親編樂府詞。才高君未覺，手戰我先衰。黜舊無對吟，哦
今與誰十年酬，唱絕歡喜得新詩。

示元老

寡傑多自悟，不待文王興。四方有餘師，十室豈無朋。我老不知時，早歲誰
誤稱。歸來理茅屋，對客食藜蒸。渴即飲水，何嘗問猫。冠裳強包裹，毀
譽如飛蠅。植根久已尔，苕穎日自升。忘我亦忘法，无冰知消冰。

寄孔武仲

濟南舊游中，好李唯君耳。君居南麓，洶湧固鑿起。我來輒解帶，簪下炙
背睡。煎茶食梨栗，看君誦書史。君歸苦倉卒，窻戶日摧毀。遷君就清曠，改
築富前址。開畦得遺植，遶壁見題字。雲山頽依然，薄鎮輒隨至。思君猶未
忘，滿秩行自弃。尔來鉅野溢，流潦壓城壘。池塘漫不知，亭榭日傾弛。官吏
困埏障，麻鞋汚泥滓。別來能幾何，陵谷既遷徙。他日重相逢，衰顏應不記。

寄孫朴

憶昔補官太皞墟，泮宮蕭條人事疎。日高鼾睡声嗒嗒，往還廢絕門无車。
君為二曹畏簡書，放懷踈懶亦似余。相逢語笑夜躊躇，身煮梨栗羞肴蔬。
官居一去真遽廬，東來失意悔厥初。夜聞桴鼓驚閭閻，事如牛毛費耘鉏。
違失真性從史胥，目視紛臂邀徐徐。羨君不出心自如，北潭秋水多芙蓉。
青荷包飯浦為道，脩然獨往深淵魚。人生如此樂有餘，胡為自投檻中狙。

寄范文景仁

京城冠蓋如雲屯，日中奔走爭市門。弊裘瘦馬不知路，獨向城西尋隱君。
隱君白髮養浩氣，高論驚世門无賓。欣然為我解東閣，明窓淨几舒華茵。
春天雪花大如手，九衢斷絕愁四隣。平明熟睡呼不覺，清詩綠酒時相親。
我兄東來自東武，走馬出見黃河濱。及門却遣不得入，回頭欲去行无人。
東園桃李七欲發，開門借与停車輪。青天露坐列滂，豆落花飛絮飄衣巾。

留連四月聽鷓鴣扁舟一去浮奔渾人生聚散未可料世路險惡終勞神
交游畏避坐恐累言詞欲吐聊復吞安得如公百无已忘百間廣廈安貧身

寄濟南守李公擇

岱陰皆平田濟南附山麓山窮水泉見發越遍溪谷分流遶涂巷暖氣蒸
草木下田滿粳稻秋成比禾菽池塘浸餘潤麥莢亦云足許家四千里持
此慰窮獨公從吳興來若臺猶在目應恐齊魯間長被塵土辱不知西垣
下澠淒千畝綠仰見鷗鷺翻俯視龜魚浴初來厭矜鼓稍久捐鞭扑清詩
調嘉賓夜語繼華燭飛花暮雪深浮蟻糟床熟相對忘忘歸西來自嫌速
人生每多故樂事難再卜鉅野一汗漫河濟相騰蹙流沙翳桑土蛟蜃處
人屋農畝分沉埋城門遭版築傷心念漂蕩引手救顛覆勞苦空自知吁
嗟欲誰告遙知在野遊如落落空遺躅平生讀書史物理粗能曉歸耕久不
遂終作羝羊觸賦詩心自驚請公再三讀

次韻示揚明

歲晚有餘樂天教一向閑嵩陽百口住嶺外七年還卜宅先隣晏獲瓢欲
飲顏吳僧來不久相約叩禪關

古井元依廟平湖亦近城幅巾朝食罷芒屨雨中行擾擾初何事悠悠畢
此生欲邀東郭叟煩手作郊迎

次韻子瞻過淮見寄並簡孫奕職方

出處平生共江淮恨不來官遊良誤我老病賦懷哉徇物終今世量書尺
幾堆歸耕少憂患惟有仰春雷

蜀中謂田无水
利者為雷鳴田

龜山昔同到松竹故依然紅印封鹹豉黃嬰分井泉清天携杖處晚日落
帆偏无限相思意新詩句句傳
行役饒新喜臨川逢故人相看對泉石恰我在埃塵會合終多故分張類
有神南遊得如願夢想雲溪春

陰晴不定簡唐觀祕校并教吳二君

積雨春連夏新晴忽復陰江痕漲猶在梅氣潤相侵雀行還須脫圖書漸
不禁江南舊風俗愁絕北來心

蚕眠初上簇麥熟正磨鎌雲氣重合江流夜添荐飢人甚困多病我
仍垂欲就橋南宿單衣暮雨霑

漲江方斷度小棹信輕生貧賤誰憐汝漂浮空自驚一官終竊食何計早

歸耕忽發騷人恨，凄涼又未平。

西隣豫章客，病骨瘦如柴。清夜眠孤枕，終朝飽一簞。雨多愁不出，講罷未應餐。約我晴相過，門前泥欲乾。

二子薪中楚相携，泮上游藝蓋聊度。日夕象又忘，夏寂寞君何病。駢馳我自羞，何時采芹處。永日看鳧鷖。

次韻李公擇寄子瞻

青蒲一下復東來，擁扇西風滿面埃。擊柝自營何擇地，鋪糟同醉未須回。孤高振鷺瞻初下，淡泊嬰兒及未孩。我亦漂流家万里，年來羞上望鄉臺。

次韻子瞻寄眉守黎希聲

眼看狂瀾倒百川，孤根漂蕩水無邊。思家松菊荒三徑，回首謳歌沸二天。簿領沉迷催我老，春秋廢業累公賢。隣居屈屈拍今誰，在一念傷心十五年。

某昔侍先人於京師，與希聲隣居。太季前是時，公之亡兄與二亡姪皆在今十五年而在者，惟公與僕二人言之流涕。

將至南京寄王鞏

河牽一線流，不斷雨散千絲卷。却來煙際橫橋村，十里船中倦客酒三盃。老年轉蒼脾，媿濕世路早令心似灰。賴有故人憐寂寞，擊舟待我久徘徊。

次韻王廷老寄子瞻

歌吹新成百尺臺，青山臨水巧崔嵬。佳人解作回文語，狂客能鳴摻鼓雷。擷菊傳杯醒復醉，採菱湯藥去仍回。新年聞欲相從飲，春酒還須剩作醅。

寄王適

投竄千山恨不深，扁舟夏涉氣如蒸。重來疋馬君何事，歸去飛鴻我未能。養氣經年惟脫粟，讀書終夜有寒燈。安心且作衰慵伴，海底鯉魚會化鵬。

久不作詩呈王適

隣君多病仍經暑，笑我微官長坐曹。落日東軒談不足，秋風北棹意空勞。懶將詞賦占鴉臆，頻夢江湖把蟹螯。筆硯生塵空度日，他年何用繼離騷。

和王定國寄劉貢父

度嶺當年惜遠行，過淮今日似前生。留連秋思江侵海，搖蕩春心花滿城。欲寄尺書慵把筆，偶聞佳句獨含情。何時復看清虛會，醉聽秦箏促柱聲。

次韻溫守李鈞見寄並簡毛大夫

梁苑相從簿領中，清風相逐畫船東。婆婆安海凌雲鶴，飲啄樊籠失渚鴻。別後丹砂迷舊訣，愁來白髮變衰翁。此間詩老乃勅敵，正憶高吟酒盞空。

寄王元華二首

白馬貂裘錦疊離傷激艷手親持頭風欲待歌詞愈肺病甘從酒力欺
不分歸心太忽草更於人事苦繁縻相逢借問空長歎便捨靈龜看朵頤
細竹寒花出短籬故山耕耒手曾持官遊暫比鳥鷺集歸計長遭佞儂欺
歌舞夢迴空歷記交朋飛去自難縻悠悠後會須經歲冉冉霜髭漸滿頤
癸丑三月重到汝陰寄子瞻二首

意赴錢塘九月秋同來穎尾一扁舟退居尚有三師在好事須為十日留
傾身向人懷抱盡忠誠為國始終憂重來東閣皆塵土淚滴春風自不收
百頃西湖十里源近依城郭帶川原古基駁駁先臨水野寺參差半掩門
遠泛便成終日醉幽尋不盡數家園錢塘未到能先說更看青山兩岸屯
穎濱先生文集大全卷第四十五

類編增廣穎濱先生文集卷第四十五

酬答

和王元華見寄

南還春及秋江湖未至平遠此歸路長始悟行日遠幽憂脫沉痾清夢驚
婉婉行行逢故人笑語雜悲泣
江秋北風多歸帆未應駛天寒鴈南向家書空滿紙契闊幸安平婚嫁須
纓珥交游何為者空復念君至
折葉每安心連環非所計感君扁舟返念我一屣坐發懷思樂全老疇日忘
言契丹砂儻已成白首願終惠

見兒姪唱酬次韻

芝蘭生吾廬二雨一增清本亦何預人懷抱終眷眷老傳時已迫塵垢日
須浣水慚舊文書展讀不終卷
讀書雖不惡不讀亦自好根牙就區別花實隨時老耜鋤不可无雨露勿
憂少我釣不在魚竿寄洲島
宇宙非不寬閉門自為阻心知外塵惡且忍閑居苦跣趺默非睡龍灯翳

復吐道士為我言嬰兒出歌舞

身病更須閑閑極自成趣空虛雖近道懶拙初非悟偶將今生脚還著古
人履大小適相同本來无別處

西湖雖不到甘井竊餘涼三伏罷飲酒桂漿携一觴冠者五六人起舞互
低昂人生有離合此歡未易忘

次韻轉運使鮮于侁新堂月夜

長愛陶先生閑居弃官後床上卧看書窗前自我柳徘徊願微禄畢竟誰
挽袖素莫秋後蜂青燄曉天宿惟將不數葉舟託此春江溜尺書慰窮獨秀
句驚枯朽遥知新堂夜明月入盃酒千里共清光照我茅簷漏

次韻子瞻行至奉新見寄

四年候公書長視飛鴻背十日留公談欲作白蓮會筠州无可語者往匏
還但一二僧耳匏
瓜一漕數音賈酒長不在夜歸步江濱明月照清瀨心開忽然得語異豈非
背音一樽談笑間方事寂寞氣欲回千里行亦此一官礙何年真耦耕卒
世无此大

和子瞻自徐移湖將過宋都途中見寄

東武厭塵土彭門富溪山從兄百日留退食同躋攀輕帆過百步船底聲
雷翻肩輿上南麓眼界涵川原爰此忽忘歸願兄且三年我去已忽忽兄
來亦崩奔永懷置酒地遶郭多雲煙

我昔去彭城明日河流至不見五斗泥但見三竿水驚風鬱纒怒跳沫高
睥睨激灑三月餘浮沉一朝事分將食魚鼈何暇顧鄰里悲傷念遺教指
碩出空壘繚繚堞對連山黃樓麗清泗功成始逾歲脫去如一屣空使西楚

氓欲語先垂涕

千金築黃樓落成費百金誰言使君侈聊慰楚人心高秋吐明月白璧縣
青岑鼻息湧河漢高恍恨窈窕深邀我三日飲不去如龍禽使君今吳越雖

往將誰尋

欲買禾家田歸種二頃稻因營山前宅遂作泗濱老竒窮少成事飽燬禾
應早願輸粟中裝田家近无報平生百不遂今日一笑飽七年數畝官懸
知迫枯槁

梁園久蕪沒何以奉君游故城已耕稼臺觀皆荒丘池塘鹿豕溘鴈鴛空
遲留俗衰賓客久不見校与鄒輕舟捨我南吳越多清流

次韻荅王鞏

君家當盛時登戟擁朱戟中書十八年清明日方午形容畫臺爾功業載
盟府中庭三槐在遺跡百世睹子孫及豪俊豈類世寒窶胡為久遭厄鼠
俛受侵侮往來兩都間奔走未安土願言解纓紱去事農圃嘉禾根未
拔且忍俟甘雨拂衣走東臯此說五字不取聊復放襟懷清談對僧麈躬耕
未可言知田願乃父

次韻孔武仲學士見贈

美君耽讀書日夜論今古雖復在家人不見釋手趣意求五車尺未惜雙
目苦蓬萊倚霄漢簡冊充棟宇李成擅園倉筆落走風雨破籠閉野鶴短
草藏文虎鬚鬚忽半白兒女无復乳知君不能薦愧我終何補偶來相就
談日落久未去歸鞍得新詩佳句爛如組古風弃彫琢遺味比樂府且復
調墳麓冷然五音舉

次韻荅張耒

安舟浙將西日夜西北風維舟罷行役來太鬢如蓬偶從二三子步上百
尺其雲煙通原隰慨况令人哀山中難久居浮沉在城郭欲李楊子雲

世天祿閣浮木寄流水行止非所期何須自為計水當為我移外物不可
必惟此方寸心中自樂事手付瑟与琴夜吟感秋詩惜此芳物零幽人
亦多思起坐毋三聽白駒在空林餅馨有恥豐我一杯酒愁思如雲頽

次韻荅陳之方秘丞

南山李將軍走馬獨行獵田中射虎豹後騎不容躡丈夫貴自遂老大饒
驚躡飄搖天地間自視如一葉故人多東南願作扁舟涉忽蒙長篇稱贈幸
此傾蓋接時世尚新奇詩書存舊業南風吹清汴西去无停楫恨不留君
談二使衆坐厭新詩苦清壯欲和再三怯東都多名場投刺日盈笈一言
苟合意富貴出旬浹行看文石階高談曳長袂辱贈知茫然知君念疲茶

次韻王鞏見贈

南都逢故人共此一樽綠初來柳吹絮再見風脫木我老歡意微頭垂腰
背由羨子方少年健馬走平陸狂歌手自拊醉倒頭相觸人生比一瞬世
網張方目但取食場雞豈掛墨飛鵠彭城父相尋官舍虛東屋重陽試新
釀謂子當不速胡為聽婦言婉孌自相逐我舟得愁霖牽挽脫坑谷風霜
作初寒病躄欲生粟解子腰下龜換酒不須贖照碧凝清光相將飲黃菊

次韻秦觀見許

東家有賢人西家苦相忍幽蘭委冰霜掩竊特未發春風吹芳蕤爛熳安
可沒東南信多士人物世不關考槃溪山間自獻恥干謁誰拾幽間女艷
色比南越垂耳困塩車捐金空買骨讀書謝世事閉門動踰月余生亦羈
旅處世昂空卒誰令釣竿手強復此持笏惟餘七尺軀空洞中无物特蒙
好事過解榻聊一拂野情樂江海夢想扁舟兀隱居便醉睡世路多顛蹶
榮華一朝事毀譽百年歇相勸沐咸池陽阿晞汝髮

次韻子瞻病中贈提刑段繹

京東分東西中畫齊魯早兄來本相從路絕人長嘆前朝使者還手把新
詩玩吟我久別離卷帙為舒散誰言窮陋邦得此唱酬伴相逢傾蓋間晤
語何旦旦官遊少娛樂纏縛苦文案能於王事餘時作楚詞亂聲言如近膏
油未肯忘濯盥賢豪直勉強功業畏縈纒伊余獨何為舊藉西南貫縹緲
未遑歸自笑嗟已懦方當四海寒亦此一寸炭王勸客欲留送延要奪館
奈何獨見收軟語強温煖此意定難酬還予授子粲

次韻孔平仲著作見寄四首

昔在京城南成均對茅屋清晨獲復過不顧重擊鼓時有江南生能使多
士服同儕畏鋒銳兄弟更馳逐文成劇翻水賦罷有餘燭連收領底髭未
耗脾中肉飛騰困中路踴勉啄場粟歸來九江上家有十畝竹一官粗包
裹方卷中自足還如白司馬日聽杜鵑哭我來方里外命與江波觸罪重
慚故人囊空仰微祿已為達上策尚謂愚者福采菹日草草奔走長碌碌
尺書慰貧病佳句爛珪玉多難畏人知胡為強題目徂年暮桑梓喘念寄
鴻鵠但願洗餘愆躬耕江一曲

共居天地中大類一間屋推排出高下何異車轉轂死生本晝夜禍福固
倚伏誰令塵垢昏浪與紛華逐壁言如新中火外照不自燭感君探至道勸
我減梁肉虛心有遺味實腹不須粟芬敷謝桃李清勁比松竹息微知氣
定睡少驗神足胡為嗜一飽坐使百神哭要知丹砂異不受腥腐觸可憐
山林姿自縲以升祿君看出世士肯屑世間福寧從市井遊與衆同碌碌
不願束冠裳腰金佩鳴玉斯人今何在未易識凡目恐在廬山中飛翔遂
黃鶴試用物色尋雅歌紫芝曲
百病侵形骸漸老同破屋有一寸空能用輻與轂勿念如丹砂走六爻凡

火伏前瞻意不遠後躡愈難遂將炊甑中飯未悟窻下燭聰明役去形口
腹嗜肉肉墜泥翳泉井荆棘敗禾粟未知按妙旨漫欲理絲竹廬山多名
緇過客禮白足廷觀等存工世俗弦歌哭確然金石心不畏蚊蚋觸順忍
為裳衣供施謝榮祿直久我自渡海笑徐福衆皆指庸庸自顧非碌碌
愧君詩意厚桃李報瓊玉奈網羅衆禽有獲非一目喧啾定无用要自取
黃鵠君看大方家慎勿留一曲

治生非所長兒女驚滿屋作官又迂踈不望載朱轂因緣果累累未許即
潛伏空餘讀書病日与古人逐老妻冷眼昏入夜屏灯燭上官念貧窶時
節饋醜肉衰年類蒲柳世事劇麻粟數日望歸田寄語先裁竹文章亦細
事勤苦定何足君詩四相攻欲看守俾哭愧无即黑功不解人牛觸自非
太學生凋琢事干祿安心已近道閉口豈非福胡為調狂詞玉石相洛碌
腹中抱丹砂舌下漱白玉作詩雖云好未免乱心目亦非秋教二人不取志
鴻鵠摩詰非不言遺韻寄終曲

答孔武仲

飛飛相委中林不發長松綠驚風振川野未省勁草伏我分憂至友君來常

不速愧君贈桃李永願報瓊玉我性本山林苦學筆空秃驂騑塞康莊病
足顧難逐錦文銜華藻弊褐非所續家有五車書恨不十年讀濟南昔相
遇我齒二十六談諧傾蓋間還往白首熟從君飲濁酒過我飯脫粟西湖
多炎孔白晝下鴻鵠城西野人居柴門擁脩竹後車載鷓鴣夷下馬鴻醜綠
醉眠卧荒草空洞笑便腹踈狂一如此豈望世收錄別來今幾何歸期已
屢卜西南有薄田茅舍清溪曲耕耘三男子伏膺當自足君能遠相尋布
衣巾一幅

次韻子瞻見寄

袞袞河渭濁皎皎江漢清源流既自異美惡終未明嗟我頑鈍質乃与公
並生出處每自託謳吟輒嘗磨壁言如病足馬共此千仞程勝負坐已决豈
待終一枰憶公年少時濯濯吐新萌堅姿映松柏直節凌榛荆季成志益
厲秋霜落蒼莽澹然養浩氣恍疑遺孤鶴百鍊竟不變三年終未鳴區區
兩郡守藉藉四海聲年來効瘖默世事慵譏評不見室家好悅如揖重城
別離長塵垢歲月何崢嶸彭門偶會合白髮互相驚受教恐不足吐論那
復爭疾雷發龍耳曠清月照皇皇馬愛未忍弃浪云舊齊名更請問鄒許題

品要當精

子瞻抗外見寄詩云
先生別駕舊名

答文與可十首 六言

遠遊既為東粵，迂居又愛南山。齒髮自知將老，心懷且欲偷安。
舜井溢流，百上歷山。近在城頭，鷓鴣三年忘去。故國何日歸休。
野步西湖，綠縹晴登北渚。煙絲浦蓮自可供腹。魚解荷嘗要錢。
飲酒方橋，夜月釣魚。畫舫秋風，冉冉荷香不斷。悠悠水面，无窮。
雨過山光，欲溜寒來。水氣如蒸，勝處何須吳越。隨方亦有遊朋。
揚雄執戟，雖久陶令歸田。未能眼看雲山。无柰神傷，薄領相仍。
終歲常親，鞭扑此生。知負詩書，欲尋舊李。无髮時有故人，起予。
故人遠在江漢，方里時寄。声音聞道，禪心寂寞。莫未廢詩人，苦吟。
佳句近參風雅，微詞間發離騷。竊欲比君，更信莫年詩賦。尤高。
相思欲見，无路滿秩。西歸有時，及君鈴閣。小事飲我，松醪滿卮。

次韻子瞻將之吳興贈孫莘老

宦遊莫向長城窟，又冰折膠弦亦絕。吳中臘月百事便，蠲者黃金鱸膾雪。
京城舊友一分散，近憶吳興須滿頰。世事反覆如翻飛，今日共懸前共。

畏人但恐心去不遠，適意未真。歸來邊借問，校讎天祿閣。何如江海同遊嬉。

答皇京仁

儒林談道亦云舊，遠自太史牛馬走。區區分別竟何為，擾擾徒添心上垢。
道大如天不可測，異出同歸各策竇。浩然一水散千漚，却觀彼我自无有。
我丈中心冰玉潔，世上浮榮灰滅終。年行道自不知笑，指空門名異說。
此心未信道，不生石上下。種何由出，道在起居飲食中。安問胡僧分五葉。

次韻張耒見寄

相逢一乍驚，我老雙鬢蕭蕭似秋草。毒藥未洗兩脚泥，南轅已向淮陽道。
我家初无負郭田，茅廬半破蜀江邊。生計長隨五斗米，飄搖不定風中煙。
茹蔬飯糗不顧餘，茫茫江海内无安居。此身長似伏轅馬，何日還為縱壘魚。
隣君与我同一手，微官骯髒羞牛後。請看插版趨府門，何以曲肱眠甕牖。
中流千金買一壺，檀中美玉不須沽。洛陽推酒味如水，百錢一角空滿盃。
縣前女兒翠紗，河更希人少无晨集。到官唯有懶相宜，卧看南山春雨濕。

次韻子瞻對月見憶并簡崔度

先師多曠未嘗飽，弟子一不敢言巧。敗墻破屋秋雨多，夜視陰精易。

糞塩冷落空不盤且依道一修還丹丹田發火五藏暖未補漫漫長不負
我生疲駑癡塗豆雀有遊邊指北斗唯有王江亦未歸閉門无客邀沽酒
宛丘道人王江飲酒
去冬醉沈丘遂不歸
興事常苦易成事常苦難不啻雨中役安知民力殫年來上功勳智者爭
雕鑽山河不自保疏鑿非一端譏訶西門豹仁智未得定方以勇自許未
郵衆口歎天心閔劬勞兩涕為沈瀾不知泥滓中更益手足寒誰謂是甲
黔鞭箠亦不寬王事未可回石土何由乾

類編穎濱先生大全卷第五十

類編增廣穎濱先生文集大全卷第五十一

酬答

次韻子瞻見寄

我將西歸老故丘長江欲濟无行舟官遊已如馬受輓衰病擬李龜臆頭
三年李舍百不与糜費盧粟常慚羞矯時自信力不足從政敢謂李已優
閉門却掃誰与語書夢時作釣天遊自從四方多法律深山更深逃无術
衆人奔走我獨閑何異端居割蜂蜜懷安已久心自知彈劾未至理先屈
餘杭軍府百事勞經年未見持干旄賈生作傳无封事屈平憂世多離騷
煩刑弊法非公耻怒馬奔車忘鞭箠善貌貌何自聽諄諄諉諉未必賢唯唯
求田問舍古所非荒畦弊宅今餘幾出從王事當有程去須臾肉嫌无名
掃除百憂唯有酒未退聊取身心輕

次韻劉涇見寄

天之蒼蒼亦何有亦有雲漢為之章人生混沌一氣耳嘿嘿何用知肺腸
孔公孟子巧言語剖瓢插竹吹笙莫令宮吐角千万變坐令隱伏皆形相
我生稟賦本少薄氣氣子不自藏譬如蘭根在黃土春風驅迫

口占手寫豈得已此亦未免物所將方將寂寞自收斂不受世俗
既知仍作未能止紛紛竟亦類彼莊煎烹心脾擢胃腎自令鬢髮
嗟子獨未知此病從橫自恃甯瓜剛少年一見非俗物銷然脩竹鳴孤凰
近來直欲扛九鼎令我畏見筆力強提携童子從冠者揣摩五帝論三皇
詩書近日貴新說掃除舊學漫无光切攘瞿曇剽李耳牽挽性命推陰陽
狂流袞袞去不返長夜漫漫未遽央詞鋒俊發魯連子慚愧田巴稱老蒼
是非得失子自了一醉早醒余所望

次子瞻記十月十六日所見

石不見天高石土黃變化出入唯陰陽旋凝細霧作飛電復遣震雷追日
光可憐万物甚微細坐聽百變隨顛僵深根固蒂无計遯倏來忽及安能
防平生未見寶籙耳稍遠不知如隔墻君看歌舞醉華屋下有壘繫排兩
廊眼前苦樂尚懸絕空中造化知有亡我居死以厭疑沍雪翻海水填陂
塘但知膏澤利牟麥恣食餅餌真加祥山陽所記亦何事有酒胡不共一觴

次韻王臨大博馬上詩

冬晚霜露重城遥鞍馬勞徒知事奔走曾未補毫毛水旱嗟嘆感瘡痍

抑搔暮端何暇食堆案簿書高

次韻陳師仲主簿見寄

朽株難刻畫枯葉任凋零舊髮頻相問村醪獨未醒山牙收細茗江實得
流萍頗似申屠子都忘足被刑

次韻李公朝著作見贈

遠客徒為尔江邊有故丘汀州信廣太鳧鴈任漂流好事時携酒歸心久
倦游還鄉定衰老朋友肯相收
稽止終何力扶衰謾有方故人憐困躓佳句贈輝光未暇抽身去安能插
翅翔空存踈懶性高卧笑羲黃

次韻子瞻餘杭法喜寺綠野亭懷吳興太守孫莘老

信美非吾土三吳一水中亭高望已極舟入去无窮朝市知安在湖山信
有功遨遊遂是鴨飲食數魚鱸波浪喧朝夕梅蒸變綠紅逢人問京洛去
國長兒童同少情相接隣邦信屢通相遠欲相過道里訊溪翁

次韻李達見贈

大學辟游經取明青衫領願竟何成蕤瑋仍作當年味名香飛蠅

子瞻贈吳正人次韻代答

嶺頭盧老一炉灰長短根莖各自栽輕賤已消先世業知君海上去仍回

次韻景仁正月十二日訪吳鎮寺丞二絕

夜雪滿庭雞失晨瓊田早出不驚塵急湏卷凍鋪黃道欲看灯山方万人

答孔平仲二偈

熟睡將經作枕頭君家事業太悠悠要須睡着元非睡未可昏昏便尔休

次韻子瞻初到杭州見寄二絕

吏治區區豈不任吳中已自富才能還應占位書名姓李取藍田崔縣丞

次韻孫推官朴見寄二首

家温未能夢悄悄得閑時復醉昏昏知君亦李无言語豈悟維摩夫

二門

病懶近來全廢李官游惟是苦思鄉粗知會計猶堪任貪就功名有底忙

懷舊暗聽秋雁過夢歸偏愛曉更長故人知我今何念擬向東山賦首章

次韻王鞏代書

去年河上送君時我醉看君倒接離一笑便成經歲隔扁舟重到滿城知

次韻道潛見寄

蕭蕭華髮映衰容慚愧高僧歎不逢遊宦終身空處處塵埃何日退重重

次韻荅孔武仲

白髮青衫不記年相逢一笑暫欣然誦詩置瓦且鋸木屑展卷駸駸下水船

復次韻

滕王閣在誰堪手徐孺湖寬可放情楚客解書南國恨秦箏助發上林鶯

繫匏獨有杯中物擁鼻知逢洛下生問得長鬚添夢想蓬窓灯火達天明

次韻子正郎中見寄

曾直會於舟中灯火然夜而去

新年始是識君初，我屋埃正蒲裾。談辯未容朝夕聽，情親空愧
久聞筆陣无前敵，更擬詩壇託後車。待得入城應少暇，相從有約定何如。

次韻柳子玉見贈

壯心衰尽愧當年，刻意為文日幾千。老去讀書聊度歲，春來多睡苦便
夢歸似鴈長飛去，才短如蚕只自纏。唯有聞詩尚思和，可能時寄最高篇。

次韻任遵聖見寄

故国老成誰復先，壯心空記話當年。灌夫失意貧无友，梅福辭官晚作仙。
詩句清新非世俗，退居安穩卜江天。它年我亦從君隱，多買黃魚復煎。

次韻偶成

交情淡泊久弥新，吏役縈纏日益紛。香火社中真避世，簿書叢裏強論文。
樽壘正及明蟾夜，舟楫來隨早鴈群。世俗如君今有幾，直將富貴等浮雲。

答顏復因博

歲晚河冰留畫船，一軒脩竹喜蕭然。詩詞溫厚新成格，道論精微近入禪。
病後不勝清醕醖，別時仍得舊書傳。欲成古史須添考，陋巷何由接尺椽。

次韻王定民宣德

山城寺壁看詩來，顏氏瓢樽偶共開。茅屋未完先斲盤，竹林成後想宜梅。
新詩妙絕難為繼，高論微低得共陪。第一詞人生不識，茲行尚喜揖君才。

次韻李行中見寄

才堪簿領更无餘，贏得十年閑讀書。龍犀何須身自試，窮愁不待酒驅除。
故人歸去无消息，佳句新來屢卷舒。前日使君今在此，不妨時復置雙魚。

李公澤自吳興移濟南

次韻王鞏見寄三首

日永官閑自在慵，門前安到未曾通。憐君避世都門裏，勸我忘憂酒盞中。
城下柳陰新過雨，湖邊荷葉自翻風。早須命駕追清賞，太守新詩事事工。
觸事如基一一低，昏然一睡更何知。賈生流落南遷後，陶令衰遲歸去時。
去任由人真水母，簾瓢粗足亦山雌。年來未省談堯舜，一呷鹿蹊豈足吹。
池上輕冰暖却開，迎春送臘仰銜杯。君家有酒能元事，客醉連宵遣不回。
詩就滴消盤上蠟，信來飄尽嶺頭梅。商立冷坐君知否，餅盤應須有耻壘。

次韻黃大臨秀才見寄

故人聚散霜前葉，往事茫茫風際烟。遊宦一生非有己，隱居万事不白天。

崎嶇檻穽方謀食，嘯傲山林肯計年。賴已將心問盧老，相逢他日爭肩頭。

次韻王存推官見寄

可憐衰病孰為媒，私喜鄰邦得雋才。主案愧无酬錦綉，木瓜却用報瓊瑰。風流似欲傳諸謝，格律猶應孝老梅。始信山川出才子，扁舟新自宛溪來。

次韻王定国見贈

枯木无枝不記年，寒灰誰遣強吹然。南迁不折知非妄，未老求閑愈覓賢。屢出詩章新管鑰，偶開畫卷小山川。簿書填委慙君甚，撥去歸來粗了眠。

次韻荅人見寄

對按青山雲氣騰，天將隙地養元能。窓扉迎暑梅將溜，虛市无人冷欲冰。寂默忘言慙社燕，醞醞困睡比春鷹。深知大府容衰病，復值年來蚕麥登。

次煙字韻荅黃庭堅

病卧江干須帶雪，老松書卷眼生煙。貧如陶令仍耽酒，窮似湘纍不問天。令弟近應隣發李，大兄昔許叩延年。比聞蔬茹隨僧供，相見能容醉後顛。

魯直兄舊於齊州以養生見教

次韻道潛南康見寄

一葉追隨魚与龍，紅粳白酒幸年豐。也知山色遙相待，苦畏君詩欲見攻。乘興風帆終日去，尋幽螭屐及春同。請君先入開先寺，待濯清溪看玉虹。

次韻吳厚見寄

壯心摧折漸无餘，早歲為文老不如。登木求魚知我拙，循窠覓兔笑君疎。清樽獨酌夜方半，白髮潛生歲欲除。久欲交親還往絕，床頭猶喜數行書。

次韻講律李司理憲見贈

強將羔鴈聘黃晞，破褐疎巾倚夕暉。禮律縱橫開卷盡，蓬蒿冷落待賢非。日高几案絃歌罷，夜永窸靡灯火微。猶喜江邊暮春近，舞雩風雨得同歸。

次韻毛君見贈

江國騷人不耐秋，夜吟清句曉相投。鋒藏豈願囊中脫，尾斷終非俎上羞。擇地何年真得意，鋪糟是處可同遊。南遷尚有公知我，人事何須更預謀。

次韻毛君偶成

年來衰病正相兼，薄宦奔馳尚未厭。詩口空多渾漫与，俗緣已重不須添。整牙向物知難合，踈懶憐公獨未嫌。時聽淵明詠歸去，猶應為我汝邊淹。

次韻姜應明黃巖山中見寄

垂老閑居味更深此身隨世任浮沈北窻未厭曲肱臥西洛能傳抄鼻吟
疋馬徬徨猶寄食弊裘安樂信无心我今漂泊還相似同愧高僧支道林

次韻廣州陳繹諫議和陳薦宋敏求二龍圖

曾送飛龍白日翔未應中路許還鄉鶴歸仍有當年伴松老知經幾度霜
城下寶坊聊寄榻朝中振鷺舊成行相逢出處何須問五嶺清平十月涼

右和彦升
寫定力

琳宮清淨思悠悠頗似山林未肯回五日移朝真自適一罇无事得頻開
董狐執筆何時易馬援征蠻未遽來奔走安閑誰定是都門携手一徘徊

右和彦升
起上醴泉

次煙字韻答黃大臨庭堅見寄二首

水竹遮藏自一川日高茅屋始炊煙犬牙春米新秋後麥粒蒸茶欲社天
冠蓋只今成弃物杉松它日記栽年定應笑我勞生在外睡聞呼衣為顛
十載懷思寤寐間新詩態度比雲煙清風吹我无千里明月隨人共一天
歸去林泉應避暑北征道路恐經年与君共愧知時鶴養子先依黑栢顛

次韻吳厚見贈二首

騷人思苦骨岩岩百里携詩相就談故作微詞批迂客不羨春雨濕歸衫
少年舊喜登高賦老病今成見敵慚問我近來誰復可對君聊擬誦周南
久欲歸田計未成羨君負郭足為生躬耕不用千鍾祿高卧誰知万里征
已資安閑真樂事可憐辛苦及浮名隱居便作江南計為覓佳山早寄聲
一卷新詩錦一端掉頭吟諷識芳酸哀歌永夜悲牛角即詠扁舟笑杏壇
間發笙簧猶可擬弃捐斤斧定知難繼君高韻君應笑咀嚼歸途又據鞍

次韻邦直見答二首

真能一醉逃煩暑定勝三杯禦膈寒自有詩書供永日莫將絲竹乱風灘
舞雩何處歸春暮叩角誰人怨夜漫聞道丹砂近有術錙銖稱火共君看
五斗塵勞尚足留閉門聊欲治幽憂羨為毛遂囊中穎未許朱雲地下遊
无事會須成好飲思歸時亦賦登樓羨君幕府如僧舍日向城隅看浴鷗

再次前韻四首

城頭棟宇恰三間楚望凄凉吊屈原雨洗山川百里淨風吹語笑一城喧
鄉書莫問經時絕歲事初驚片葉翻南近清淮鱸膾好釣筒時問有諸君
謬將疎野託交游平日論心亦有由科第聯翩切舊契利名踈闊少新憂

清談已竟忘朱夏，濁酒先防虐素秋。多病无聊唯有睡，頻頻詩句未嫌不。
野鷄應疑是鴈，苦夏蟲未慣雪霜寒。隱居顏氏終安巷，垂釣嚴生自有灘。
破宅不歸塵可掃，下田初種水應漫。退耕尚有悠悠語，拙宦猶須步步看。
欲作彭城數月留，溪山勸我暫忘憂。城頭隼擬中秋望，臺上遷延九日游。
嵐氣雨餘侵近郭，江聲風送隱危樓。汀洲聚散知誰在，且學漂浮水上鷗。

次韻毛國鎮趙景仁唱和三首 一贈毛 一贈趙 一自詠

治劇從容緩策銜，鈴軒无事日清談。隼旟書戟明千里，紙帳繩床自一庵。
金奏屢陳容客和，玉山不動看賓酣。我來邂逅逢寬政，忘却漂流身在南。
一紙新詩過鴈銜，醒然何異接君談。奉親魚蟹兼臨海，退食琴書定有庵。
一別經年真似夢，多憂不飲亦如酣。共君交契非今日，蔽芾棠陰自劔南。
遠謫江湖舳尾銜，到來辛苦向誰談。畏人野鶴長依嶺，厭事山僧祇任庵。
黃雀頓來成一飽，白醪新熟喜初酣。踈頑近日猶堪笑，坐任飄風去自南。

再和三首

穴鼠何須竄數銜，鹿官不用苦高談。夜傾涿蠡風吹竹，晝擁黃紬雪覆庵。
每作微詞還自笑，偶漸餘潤亦成酣。公詩精絕非倫擬，自古騷人及在南。

燕窠泥上一春銜，慙愧封侯止立談。舊隱尚聞存竹徑，歸休但要葺茅庵。
釣船夢想公溪泛，酒盞遙思向日酣。強欲遲留依幙府，吳公行恐召河南。
天教窮困欲誰銜，生事那須一一談。自笑豐年塵滿甕，不堪雨後菌生庵。
士師憔悴經三黜，陶令幽憂付一酣。它日歸耕若相憶，尺書頻寄北山南。

次韻劉貢父登黃樓懷子瞻

青山開四面，白水遶三畝。野闊時聞籟，閑舊據梧書。船留上客遺跡問，
田夫事少日常飲。才疎世未須，決河初存至勝事。偶相俱燕子，卑无取勝。
上遠可無飛濤隱，睥睨落日麗浮圖。同舍新持節，專城敢遽呼。未迎行部，
駕已放下淮。艫試問登消暑，如何楚与吳。吳興有消暑樓

再次韻

藟藟才名世，駸駸日轉禺。一時同接浙，平昔共樓梧。攢首壯士擁旄良，
丈夫塵埃脫縑綬。水石慰霜須，勝地來相失。清樽未暇俱，射餘空見帖。齒，
罷祗觀梅。婦計何當決，徂年貴草圖。檻中終為食，韞上耻聞呼。願我千辛，
幸逢平生一釣艫。微官不須滿也，復試游吳。

類編增廣類瀆先生大全文集卷第五十二

尋訪

過張天驥山人郊居

南山莫將歸下訪張夫子黍稷滿秋風
逢麻翳隣里君年二十八三十有
歸意躬耕奉慈親未覺鋤耬鄙讀書
北窗竹釀酒南園水松菊半成陰日
有幽居喜安業時借問問子何年起
新來西溪石甬築茅堂址但令三歲
熟此計行亦遂堂成不出門清名滿
朝市

趙少師自南都訪歐陽少師於潁州留西湖久之作詩獻歐公
公居潁水上德與潁水清身閑道轉勝
內足无復營平昔富交遊開門
坐常盈退居万事樂獨恨无友生
汝潁亦多士後來非老成趙公平
生舊情好均弟兄少年結意氣晚
歲齊功名携手踐廊廟躡足評鈞
衡徜徉里閭間脫落世俗繁興業
忽命駕一往千里輕白髮儼相映
兀動客崢嶸人生會面難此會有
餘情遨遊西湖中仲夏草木榮壺
觴列四坐歌舞羅前楹畫舫極公
沂肩輿並逢迎棹進鳧鳴亂樂作
蟲魚驚近寺駢履迹高臺吹笑声
往事語京洛餘歡發吟賡拳拳主
人厚款款來客誠此樂有時盡

此好何由傾

次韻蔣夔寒夜見過

新城廣大漫如天，旅人騷屑誰與歡。北風號怒屋无瓦，夜氣凝冽冰生盤。
雪声旋下白玉片，灯花暗结丹砂丸。叩門剥啄驚客至，吹火倉卒怜君寒。
明時未省有遺弃，高論自笑終汗漫。識君太學嗟歲久，至今客舍猶泥蟠。
正如憔悴入籠鶴，坐見摧落凌風翰。明朝尚肯過吾飲，有酒不盡行將酸。

同李倅鈞訪趙嗣恭留飲南園晚衙先歸

城南高樓出喬木，下有方塘秋水足。新霜未變草木鮮，晚日旋催梨棗熟。
雨荒松菊半榛莽，風老菰蒲初瑟縮。門前大路多塵土，日中過客无留轂。
開門却掃如有待，下馬升堂真不速。勸我一振衣，上黃臨風共倒樽。中涓
看蔬草草意不盡，絲竹泠泠暗相屬。琳宮仙伯自閑暇，幕府鹿官苦煩促。
晚衙簿領當及期，後堂車轄要須灑。令人更愧東宮師，眷戀溪山弃華屋。

次韻秦觀携李公擇書相訪

濟南三歲吾何求，使君後到消人憂。君言有客輕公侯，扁舟相從古揚州。
致之疋馬恨无力，千里相望同異域。誦詩空使四坐驚，隱居未易凡人測。

使君南歸无限情，鴻飛携書憶我庭。此書兼置昔日年，客袖中秀句淮山青。
老夫強顏依府縣，堆案文書本非願。清談疊疊解人頤，安得坐右長相見。
狂客吾非賀季真，醉吟君似謫仙人。未契長遭少年笑，白髮應慚傾蓋新。
都城酒貴誰當換，塵埃汚面非良筭。歸來泗上苦思君，莫待黃花秋爛熳。

秦君与家兄子瞻約秋後再遊彭門

雪中洞山黃蘗二禪師相訪

江南氣暖冬未回，北風吹雪直快哉。雪中訪我一大士，試問此雪何從來。
君不見六月赤日起冰雹，又不見臘月幽谷寒花開。紛然變化一彈指，不
妨明鏡无纖埃。

次韻子瞻游孤山訪惠勤惠思

鳥依山魚依湖，但有所有无所无。輕舟公許窮遠近，肩輿上下更傳呼。
翩然獨往不携挈，兼擅魚鳥兩所娛。因依岩石坐巉絕，行牽翠蔓隨纏紆。
紆道逢勤魚訪，其廬誦詩清切秋。蟬孤隱居羞踏陌，上土何人起愛輪。下
蒲水南巷中羅，百夫雞鳴朝謁至。日晡人生變化安，可料憐汝久道终无。
圖鳥鷺不足鶴有餘，俯一仰戚与遽嗟。我久欲從逃遁方，圓不敢左右摹。

城南訪張恕

事似焚絲撥不開秋隨脫葉暗相催城南綠野宜幽步水北紅塵漫作堆
赤棗青瓜報豐熟黃雞白酒勸徘徊此中真有醇風在一畝何年斲草萊
次韻王輩欲往徐州見子瞻以事不成行

河水南來遶郡城銀刀空復銜衙兵交情舊許雞為具客信那知鵲妄鳴
為婦遲留雁未怪還家倉卒定何營不聞秦女箏声然自赴招賢後上旌
郭尉博原以琳上人書詩為示次韻

勉強冠裳四十餘同官早歲亦山居朝來過我三竿日袖有幽僧數紙書
家住一壘何計及官供五斗未應無聞渠秋後來相訪脫粟藜羹只自如
余居高安三年每晨莫出輒過聖壽訪聰長老謁方子明浴

頭笑語移刻而歸歲月既久作一詩以記之
朝來賣酒江南市日暮歸為江北人禪老未嫌參請數魚舟空怪往來頻
每慚菜飯分齋鉢時乞香泉洗病身世味漸消婚嫁了幅巾緇褐許相親

招邀

泊南井口期任遵聖

朔君荒江濱未至望已極朔風吹烏裘憊沙上立愧余後期至先到犯
寒色既泊問所如歸去已无及繫舟重相邀雨冷塗路濕

次韻景仁招宋温之職方小飲
高人兩无事相見輒值懷時以酒相命何妨心自齋灯期飛雪乱春候苦
寒乖不就頽然醉難堪風且霾

雨中招吳子野先生循州
柴門不出蓬生徑暑雨无時水及堂辟穀賴君能作客暫來煎密餉桃康
荅吳和二絕

三間剌水小茅屋不比麻田新草堂問我秋來氣如火此間何事得安康
慣從李叟遊都市久伴藍翁醉畫堂不似蘇門但長嘯一生留恨与蘇康
子野昔与李士寧縱遊京師
与藍喬同客由魯公家甚久

次韻子瞻招王濠朝請晚飲
矯矯公孫才不負白駒衝雪喜新春忽過銀闕迷歸路誤認瑤臺尋故人
訪我不嫌泥正滑留君深愧酒非醇歸時九陌鋪寒月清絕空教僕御頻

次韻王鞏廷評招飲

病憶故鄉同越寫性安田野似裨謀都城歲晚不歸去客舍夜寒猶獨吟
樽酒伶君偏好交詩篇寄我謬知音會須雪裏相從飲履迹旋平无处尋
會遇

次韻子瞻廣陵會三同舍各以其字為韻

貢甫少多才交遊一何衆談詞坐傾倒玉塵日揮弄逡巡不為虐巧捷有
微中群情忌超邁微過出嘲諷南遷時已久未見肯力貢古在終自奇髀
滿安足痛人生百年內僅比一朝夢鬢鬢就消涸斗水傾漏甕江淮未可
嫌遲晚聊自送試觀終日閑何似兩耳閑 劉貢甫

巨源學從橫世事夙討論著書十方字辯如白波翻諫垣適多事憂心生

病根立談信无補閉口出國門弃置卧江海悶寧復言朝行共長歎遂

客繼二孫謂華老巨源南方固鄉黨謫官侶鶴猿風俗未寧靜朋黨爭排根

引去良自得濁清在澄源往者未可招冠蓋方駿奔 孫巨源

莘老奮徒步首與觀國賓儼然自約束被服鼓与紳龜勉丞相府接迹與

臺巨願嫌任安躁未忍裂坐茵推置冠解豸謂言我比隣三晉固多士駭

隣存斯人竄責真不敢許狂言見天真南方異風俗強食魚尾莘應同賈太

傅抱屈耻自陳猶有痛哭書受整定何辰 劉莘老

子瞻與長老擇師相遇於竹西石塔之間屢以絕句贈之又留

書邀同作遂以一絕繼之

遠老陶翁好弟兄虎溪廬阜又逢迎何須更要經平子請議從來貴士衡

逍遙堂會宿二絕

轍幼從子瞻讀書未嘗一日相舍既壯將遊宦四方讀韋蘇州詩至

安知風雨夜復此對床眠惻然感之乃相約早退為閑居之樂故子

瞻始為鳳翔幕府留詩為別曰夜雨何時聽蕭瑟其後子瞻通守

餘杭復移守膠西而轍滯留於淮陽濟南不見者七年熙寧十年

二月始復會於澶濮之間相從來徐留百餘日時宿於逍遙堂追感

前約為二小詩記之

逍遙堂後千尋木長送中宵風雨聲誤喜對床尋舊約不知漂泊在彭城

秋來東閣涼如水客去山公醉似泥困對北窻呼不起風吹松竹雨淒淒

雪中會孫洙舍人飲王氏西堂戲成三絕

新歲逼人无一日殘冬飛雪已三回百分曉泊從君勸十里瓊瑤走馬來

南國高人真巨源華堂邂逅接清樽十年一見都如夢莫在終宵語笑喧
傾盡香醪雪亦晴東齋醉卧已三更佳人不慣生疎客未及清歌死轉生
遊賞

同子瞻泛汴泗得魚酒二韻

江湖性終在平地難久居淶水雨新漲扁舟意自如身繫走素供口轉
千車願言弃城市長竿夜獨漁
顧思久發詩病腸不堪酒強顏水石間濫蹟賓主後不知白浪翻但怪青
山走莫隨使車塵豈畏嚴城斗

明日復賦

放舟城西南却向東南泊朝來雨新霽白水浸城脚古汴多流直清泗亦
浮沫平吞百澗暴滅盡二洪惡遊人不勝喜水族知當樂舟行野鳧亂網
盡脩鱗躍香醪留白蟻鱸縷填花萼人生適意少一醉皆應諾同遊非偶
然後會未前約簡書尚見寬行日為公却

次韻子瞻再遊徑山

我兄東南遊我亦夢中去徑山間已熟往意穿雲霧夢經山前溪足冷

忽先渡平頭雲峯合到寺霜日暮香厨饌岩藪野徑踏藤屨平生共遊處

蹇足躡高步崎嶇每生胝眩晃屢回顧何年弃微官携手衆山路後得此詩

兄同遊山中
故為此篇

次韻子瞻自徑山回宿湖上

朝從徑山來泱莽徑山色暮從湖上歸滉漾湖光碧借問泛湖舟何似登
山屐高懷厭朝市遠去望憂慄自向幽人青顏從濁醪赤塵埃解羅網宇
宙為安宅油然了无營此意誰能詰嗟子別離久欲往徒反側留滯亦何
為空礮突深黑

次韻王適遊真如寺

江上春雨過城中春草深擾々市井塵悠悠溪谷心東郊大愚山自古蒼
荀林微言久不問墜緒誰當尋道俗數百人請聞海潮音齊罷車馬散
万籟俱消沉新亭回南山積霧開重陰肅然偶有得懷抱方惜々我坐
米盞間日被塵垢侵不知山中趣強作山中吟

初入南山

自我來濟南經年未嘗出不知西城外有谷通石壁初行澗谷淺漸遠峯

竊積翠屏互舒卷耕耨隨歌側雲木散山阿逆旅時百室茲人謂川路此
意屬行客久遊自多念忽誤向所歷嘉陵万壑底棧道百回屈崖巘迹似
嶸征夫時出沒行李雖云艱幽邃亦已劇坐緣斗升米彼此塵土厄何年
道衰斜長嘯理輕策

同王適曹煥遊清居院步還所居

身為江城吏心似野田叟尋僧忽忘歸飽食莫携手畏人久成性路遠古
城後茅茨遠相望雞犬亦時有人還市井罷日落狐兔走回風吹橫烟燒
火卷林藪草深徑漸惡荆棘時掛肘褰裳涉沮洳斜絕汚池口投荒分岑
寂歌側吾自取二君獨何為經歲坐相守遊從乏車騎飲食厭菘韭周旋
未忍弃辛苦亦何負歸來倚南窗試挹樽中酒笑問黃泥行此味還同否

子瞻謫居齊安自臨臯亭遊東坡過黃泥坂作黃泥坂詞二君皆新自齊安來故云

雨中遊小雲居

盡具酒高安市早歲逢五秋常懷簡書畏未暇雲居遊十載還上都再謫仍
此州廢斥免羈束登臨散幽憂鄉黨二三子結束同一舟雨餘江漲高林
薄煩撐鉤積陰荐雷作兩山亂雲浮雨點落飛鏃江光澹輕樞笑語曾未

畢風雲遽誰收舟人指松檜古刹依林丘老僧昔還往晚飲迎淹留食菜
吾自飽餽肉煩賢侯嚴城迫吹角歸棹隨輕鷗聯翩聞村塢灯火明誰獲
肩輿踐積蹙塗際分潛溝居處方自適未知厭拘囚

遊金山寄揚州鮮于子駿從事邵光

揚州望金山隱々大如撲竭來長江上孤高二千尺僧居厭山小面々貼
蒼石虛樓三百間正壓江潮白清風斂靈霧曉日曜金碧直侵魚龍居似
得鬼神役我行有程度欲去空自惜風吹渡江水山僧午方食波瀾洗我
心箕蕨飽我腹平生足遊衍壯觀比云極鐵堯本誰安海門復誰植東南
迹隱見遙与此山匹茲遊幾不遂深愧幕府客歸時日已莫正值江月黑
願視天水并坐愁星斗濕使君何時罷登覽見不可失

黃州陪子瞻遊武昌西山

千里到齊安三夜語不足勸我勿重陳起遊西山麓西山隔江水輕舟亂
鳥驚為連峯多回溪盛夏富草木杖策看方松流汗升九曲蒼苔大江湧浩
蕩衆山蹙上方奇雲端中寺倚岩腹清泉類牛乳煩熱須一掬縣令知安
來行荷袂脩竹黃鵝特新爨白酒亦近熟山行得一飽看尺千山綠幽壤

若不遂滯念煩從歸舟浪花暝落日金釭浴妻孥寄九江此會難再卜
君看孫討虜百戰不搖目猶冷江上臺高會飲千斛巾冠墮臺下坐吏
公哭異時君再來携被山中宿

類編類濱大全文集卷第五十二

類編類濱先生大全文集卷第五十二

遊賞

遊景仁東園

新春甫驚蟄草木猶未知高人靜無事頗恠春來遲肩輿出東郊輕裘試
朝曦百草抱生意喬松解寒安尺書招友生冠蓋溢通達人生瞬息間幸
此休暇時濁酒滌浮蟻嘉蔬薦柔荑春來莫嬾早春去恐莫追公卿多王
事田野遂我私松筠自擁蔽里巷得遊嬉隣家並侯伯朱門掩芳菲畦花
被錦繡庭檜森旌旗華堂絢金碧壘觀疑飛髣髴象宮禁蕭條遠喧
半徐行日一至何異已有之都城閉門早衆客紛將歸垂楊返照下歸騎
紅塵飛但卜永日歡未與清夜期人散衆驚絕庭空星斗垂安眠万物外
高世良在茲

次韻子瞻遊甘露寺

去國日已遠涉江歲將闌東南富山水跬步留清歡遷延發行邁忽忘身
在官清晨陟甘露乘高奔征鞍超然脫闐闐穿雲撫朱欄下視万物微惟
覺浴海寬朝風声洶洶望溟空漫漫一一渡海舶舟移檣竿水在時出

汝群嬉類猥，幽陰自生。少青發復誰鑽，石頭古天嶮。憑恃分權，驟疑城
曜遠。目來騎驚新觀，裴散定王業。成毀猶月團，金山百圍石岌。隨波瀾
猶疑漢宮廷，屹立承露盤。狂波恣吞噬，方古嗟獨完。疑昨厭滌漾，遶屋行
盤礴。此寺歷今古，遺迹皆龍鶩。孔明所坐石，佯癡非人刊。經霜衆草短，積
雨青苔寒。蕭翁嗜佛法，大福將力干。坡陀故鑊在，甲錯蒼龍蟠。衛公秉節
制，佛骨埋金棺。長松看百尺，畫像留三歎。新詩語何麗，傳讀紙遂剋。嗟我
本漁釣江湖心，所女方爲籠中閉。仰羨天際博遊觀，惜不與賦詠。嗟獨難
俸祿藉升斗，壘塩嗜鹹酸。何時扁舟去，不俟官長彈。

嶽下

東來亦何求，聊欲觀海岱。海西尚千里，將行勇還退。岱陰即齊疆，南往曾
歷塊。春深草木長，山暖冰雪潰。中巷无居人，南畝釋耕耒。車徒八方至，塵
空百里內。牛馬汗淋漓，綺紈聲綵繡。喧闐六師合，凶湧衆流匯。无復問誰
何，但自舍耽愛。龍鸞畫軍服，貝玉飾冠佩。驛騶蹴騰騫，幡旆飛騰駿。腥
膾及魚鱉，瑣細或蒲菜。遊憶愧无資，技巧窮殊態。縱觀聘未已，精意彈一
斛。出門青山屯，遶郭遺迹昧。登封尚壇壝，古觀寫旗隊。戈矛認毫末，舒卷

分向背。雍容太平業，磊落豐碑在。往事半蓬蒿，遺氓但悲慨。回瞻最高峰，
遠謝徂徠對。欲將有限力，一放目所迨。天門四十里，預恐雙足廢。三宿遂
徘徊，歸來欲誰對。前年道輟轅，直上嵩嶺背。中休強飲食，莫宿時盟類。稍
知天宇寬，不覓人寰穢。歲時未云久，筋骸老難再。山林无不容，疲苒坐自
礙。自知俗緣深，畢老守闕闕。何當御清風，不用車馬載。

次韻子瞻自普照入山獨遊二庵

披榛入山，山路細。鍾聲出寺門，將閉石苔冉。上芒鞋，草露溥。著衣袂，
野人茅茨苦竹屋，終身局促无生計。天公未省長困人，春田未及秋田繼。
老妻稚子亦自樂，野草山花還插髻。長笑人間醉未醒，終老辛勤護斯世。

踏青

江上冰消岸草青，三三五五踏青行。浮橋沒水不勝重，野店壓槽无復清。
松下寒花初破萼，谷中幽鳥漸嚶鳴。洞門泉脉龍睛動，觀裏舟池鴨舌生。
山下餅盤露稚孺，峰頭鼓樂聚簪纓。綉綉紅袂臨江影，青蓋驪駒踏石聲。
曉去爭先心蕩漾，莫歸誇後醉從橫。最怜人散西軒靜，曉日斜陽著樹明。

陪一瞻遊百步洪

城東泗水平，清城頭遠山涵。落日輕舟鳴榔自生風，渺渺江湖動顏色。
中洲過，石縱橫，南去清波頭。及白岸邊，石如牛馬，銜尾舳艫誰敢下。
汎人出沒，須臾間，却立沙頭。手足乾，客舟一葉，久未上吳牛。回首良間，關
風波蕩瀟，未可觸。歸來何事，嘗艱難，樓中吹角莫煙起。出城騎火催君還。

陪歐陽少師永叔燕潁州西湖

西湖草木公所種，仁人實使甘泉重。歸來築室傍湖東，勝遊還與邦人共。
公年未老髮先衰，對酒清歡似昔時。功成業就了無事，令名付與它人知。
平生著書人絕筆，閉門燕居未嘗出。忽來湖上尋舊遊，坐令湖水生顏色。
酒行樂作遊人多，爭觀竊語誰能呵。十年思潁今在潁，不飲耐此遊人何。

遊城西集慶園

送客城西客已遠，歸路北池接南苑。冰澌片斷水光浮，柳線和柔風力軟。
繚牆朱戶誰家園，流水平畦春日淺。禁河分溜一池足，洛圃移花百金賤。
飛甍斤斧聲未絕，翠柏栽培影初遍。傍人笑指高臺處，前年適見荒榛滿。
金錢力奪天地功，歲月未多風物換。人生富貴无不成，都門坐置山林觀。
暖風遲日時一到，早出莫歸應未晚。主人最貴稀出城，長使僮僕路人看。

次韻子瞻遊道場山何山

兩山相負為峯麓，流水重重注溪谷。遊人上尋流水源，未竟崎嶇病雙足。
山深下視雲漫漫，徑垂石底千屈盤。松林陰森白日靜，忽驚人世如奔湍。
客行不避苦寒出，僧定端居不下席。人生嗟與草不同，置身所在由初植。
堂中白佛青髻鬢，氣象冲淡非人間。坐令遠客厭奔走，徑欲築室依空山。
木魚根根夜將旦，星斗欲斜掛山半。行役有程未可留，將出山門復長歎。

陪毛君夜遊北園

池塘草生春尚淺，桃李飛花初片片。一樽花下夜忘歸，燈下尋春畏春晚。
春風暗度人不知，滿園紅白已離披。江南春雨少晴日，露坐青天能幾時。
折花只恐傷花意，携客就花花定喜。落葉飄香翠袖中，交柯接葉燈光裏。
雨練風柔雪不如，精神炫轉影扶疎。夜看飛燕勝朝日，月暗還須明月珠。
美人勸我殊非惡，明日雨來无此樂。醉歸不用怕山公，馬上接籬先倒著。

次韻子瞻遊羅浮山

客迷墮澗逢玉京，雲行天喬風號鳴。暗中過尽石髓滑，驚喜觀闕朝霞明。
東坡南去類空拚者力，及非求生偶然瀕。海少氛氣復有福，地空仍辨

諸侯歷聘謝魯瑄茅簷燕生師老彭天樞旋結日珠重人寰下視鴻毛輕
俗緣塵覓冰雪解之氣不復蛟鼠俾遠遊耽屣入蓋竹初恠長史留家庠
後來玉斧小兒子亦入真誥參仙經試令子弟各諸許還家不用劔閣銘
洞天聞亦有圖籍但恐未逸如公獨此心願與世無事不願與世平不平

遊鍾山

江南四月如三伏北望鍾山方松碧杖藜試上宝公龕衆壑秋聲起相襲
青峰回抱石城小白練前橫大江直石梯南下俯城闔松徑東蟠轉山谷
喬林无風声如雨時見遊僧石上息行窮碧澗一庵岩坐弄清泉入功德
歸尋晚飯衆山底困卧定林依石壁朝遊不知澗谷遠莫歸但覓穿雙屐
老僧一身泉上住十年掃尽人間迹客到惟燒柏子香晨飢坐待山前粥
丈夫濟時誠妄語白首居山本良策茹蔬飯糗何足道純灰洗心聊自滌
失身处世足術尤愧尔山僧少夏責

寒食贈遊歷沙諸君

城南壓沙古河淤沙上種梨千方株隆冬十月我獨往風吹葉尽枝條踈
老僧屈指教春候却後百日花當蘇微風細雨膏潤足枝頭方一排明珠

奔開竟發不知數昭耀冰雪明村墟此時官閑得遊賞長堤平穩宜駉駒
寺門古木牙葉動倉庚布穀相和呼及時行樂不可緩歲長春短花須史
僧言我意兩相值欲往屢已脂吾車今朝寒食煙火斷薄雲閉日風沙除
此花久已待我至况有朋友相携扶來邀反覆不能往昔獨負丑花已辜
諸君高邁足才思佐酒况得方玉奴坐中未醉慎无起倒載當使山公如

次韻子瞻遊徑山

去年渡江愛吳山忽忘蜀道輕秦川錢塘後到山最勝下枕湖水相縈旋
坐疑吳會无復有扁舟屢出凌濤淵今秋復入徑山寺勢壓衆嶺皆摧顛
連峯百嶂不知數重重相抱如青蓮散為雲霧翳星斗聚作潭井藏蜿蜒
欽翁未到人迹絕千里受記來安禪荒榛野草置茅屋坐令海賈輸金錢
至今傳法破煩惱飽食過客容安眠解裝沒錫不復去紛二四合來烏鳶
或言此處猶未好海上人少无煩前天台鴈蕩最深秀水鷲石瘦无清便
五月山獨往无不可論說好醜徒紛然然當直去无遠近藤鞋竹杖聊窮年

次韻子瞻遊富陽普照寺

塵埃日已遠斗室更无餘寺到逢門入詩成信手書山深僧自樂路遠客

終跡訪及前朝異宅年一告子

次韻鮮于子駿遊九曲池

天高山近海春及草生池禾黍多新恨川原白首時花存故苑麗樵出舊
城隍莫望爪洲渡曾經駐佛狸

不到東西二林

山北東西寺高人永遠師來遊亦前定回首獨移時社散白蓮及山空玄
鶴悲何年陶靖節溪上送行遲

寒食遊南湖

春睡乍方竟闌牆聞樂弄肩輿試扶病盃舫聽徐行適性逢樽酒開懷挹
友生遊人定相笑白髮近從橫

遶郭春水蒲被堤新柳黃官池元禁約野艇得飛揚浪泛歌聲遠花浮酒
氣香晚風歸棹急細雨濕紅粧

携手臨池路時逢賣酒壚柳斜低繫纜草綠萬傾靈波蕩春心起風吹酒
力无冠裳強包裹半醉遣誰扶

次韻子瞻送范景仁游高洛

尋山非事役行路不應難洛浦花初滿嵩高雪尚寒平林抽東筍奇艷變

平即物朝二好肩輿步步安醪醲釀臈酒首荷薦朝盤得意忘春暎逢
人語夜闌歸休三黜柳賦詠五噫亦為鶴老身仍健鴻飛世共看雲移忽千

里世路脫重難西望應思蜀東還定過韓平川涉清潁絕頂上封壇出處
看公意令人欲弃官

遊石照二首

行及清溪到碧峰陰崖翠壁及杉松故留石照邀行客上徹青山最後重
雨開石照正新磨鳥度猿攀野老過忽見塵容應笑我年來底事白髮頽多

河上莫婦過南湖二絕

西來白水滿南池走馬池邊日落時橋底荷花无限思清香乞与路人知
淤田水淺客來遲解舫都門問幾時誰道兩京雞犬接差除屈指未曾知

次韻王適一百五日太平寺看花二絕

通入僧房花照眼細尋芳徑蝶隨行歸時不怕江波晚新有橋虹水上橫
小檻明窻曾不住閑花芳草遣誰栽但傾正馬尋幽勝携取清樽到處開

遊吳氏園

細雨作寒晴便暖好風吹袂意初佳清池解洗春心熱紅艷能添醉眼花
紫竹暗生岷岫笋山丹強比洛人家伶渠巧与閑官便申退來遊未竟除

聞子瞻重遊南山

終南重到已春回山木綠崖綠似蒼谷鳥鳴呼嘲獨往野人笑語記曾來
定邀道士彈鳴鹿誰与溪堂共酒杯應有新詩還寄我与君和取當遊陪

彈鳴鹿飲前遊終南溪堂皆時事

遊西湖

閉門不出十年久湖上重遊一夢回行過閭閻爭問訊忽逢魚鳥亦驚猜
可憐峯目非吾黨誰与開樽共一杯歸去无言掩屏卧古人時向夢中來

泛溪水

早歲南遷恨舳艫歸來平地憶江湖半篙春水花千片八尺輕船酒一壺
徐轉城陰平野闊稍通竹徑小亭孤前朝宰相終難得父老咨嗟今亦无

徐轉城陰平野闊稍通竹徑小亭孤前朝宰相終難得父老咨嗟今亦无
韻公以遺賈魏公今為賈氏園矣

又次韻遊小雲居

溪上浮花片片輕泝流登岸得山行僧房幽絕雲岳小春日陰晴野色明

永遠林棲真有道弱沮耕養亦忘情此身此意何年遂空使常談笑老生

王子立与邊等遊陳家園橋敗幾不成行晚自酒務往見之

明日雨作偶尔成詠

桃李城東近不遥偶聞花發喜相邀斷橋似欲妨佳思好雨猶能借此朝
隨分開樽袂綠草偶然信馬及餘瓢重來莫道无閑暇紫燕黃鸝日漸嬌

次韻王適遊陳氏園

宿雨晴來春已晚衆花飄尽野猶香舞雩便可同沂上飲襖何妨似洛陽
新圃近聞穿沼闊漲江初喜放舟長年來薄領縈人甚何計相隨入醉鄉

次韻毛君遊陳氏園

增築園亭草木新揜花風雨怨頻二貧簷似欲迎初暑芳藥猶堪送晚春
薜蘿出城仍有伴携壺藉草更无巡歸軒有喜知誰見道上從橫滿醉人

雨後遊大愚

風光四月尚春餘淫雨初乾積際除古寺蕭條仍負郭閑官踈散亦肩輿
摘茶戶外蒸黃葉掘笋林中間綠蔬一飽人生真易足試營茅屋傍僧居

次韻文務光秀才遊南湖

料峭東風助臍寒，江滢白酒借衰顏。滿床書卷何曾讀，數步湖光自不閑。
夢想綠楊垂後浦，眼看紅杏照前山。新春漸好君歸速，不見遊人暮不還。

謝前小山
曰杏山

次韻王鞏遊北禪

蕭蕭黃葉下城頭，頓作野田風。日秋粗有鐫蠹隨處好，斲无敲扑便能幽。
人希野鳥應同樂，水涸遊魚似欲愁。客去知君歡未已，遶城携手更遲留。

次韻韓宗弼太祝送遊大山

羨君官局最優游，笑我區區。李問囚今日登臨成，獨往終年勤苦粗相酬。
春深綠野初開綉，雲解青山半脫裘。回首紅塵讀書處，煮茶留客小亭幽。

病中賈大夫相訪因遊中宮僧舍二首

江城寒氣入肌膚，得告歸來強自扶。五馬獨能尋社老，一床深愧致文殊。
躰虛正覓身如幻，談劇能令病自无。明日出門還擾擾，二年來真畏酒家蘆。
東隣脩竹野僧家，乱柳枯桑一徑斜。逐客慣曾迂短策，使君何事駐高牙。
蕭條已似連村塢，邂逅應容設晚茶。慙愧病夫无氣力，隔牆空聽吏兵譁。

次韻李朝散遊洞山二首

古寺依山占幾峯，精廬髣髴類天宮。二年欲到官為礙，百里相望意自通。
无事佛僧何處着，入群鳥獸不妨同。眼前簿領何時脫，一笑相看丈室中。
僧老經時不出山，法堂延客未曾閑。心開宝月婢娟处，身寄浮雲出没間。
休夏巾緝誰与共，迎秋水石不勝閑。近來寄我金剛頌，欲指眉中无所還。

次韻子瞻病中遊虎跑泉僧舍二首





掃地開門松檜香，僧家長夏亦清涼。公庭多事久來厭，靜处安眠計甚長。
脩竹填窠藤籬綠，白蓮當戶石盆芳。香厨晚飯紅粳熟，忽憶烹雞由舍嘗。
澗谷新晴草木香，野情蕭散自生涼。雨添山色翠，將滴日轉松陰晚更長。
病客獨來惟有睡，遊僧相見亦忙方。還家煩惱都消尽，不信鑿王与藥嘗。

再遊廬山二首

當年五月訪廬山，山翠溪聲寢食間。藤杖復隨春色到，寒泉頓与客心閑。
岩頭懸石煎茶足，峽口驚雷泛葉慳。待得前村新雨遍，扁舟應逐好風還。
憶自栖賢夜入城，道邊蘭若一僧迎。偶然不到終遺恨，特地來遊慰昔情。
海外声聞安至此，堂中天鼓為誰鳴。忽復向深山去，一盞醍醐飽粟甕。
此山岩谷不知重，赤眼浮圖自一峰。芒屨隨僧踐黃葉，曉光消雪墮長松。

石泉試飲先師錫午飯歸尋下寺鍾勝如轉多渾恐忘出山應見白雲瀼

類編穎濱先生大全文集卷第五十三



夫化辰

